

**KOMMISJONSVEDTAK****av 17. juni 1998****om ei felles teknisk forskrift om grunntilknytning til det felleseuropeiske, digitale fleirtenestenettet (ISDN) (første endring) (\*)***[meldt under nummeret K(1998) 1607]***(98/515/EF)**

KOMMISJONEN FOR DEI EUROPEISKE FELLESSKAPA HAR –

med tilvising til traktaten om skipinga av Det europeiske fællesskapet,

med tilvising til europaparlaments- og rådsdirektiv 98/13/EF av 12. februar 1998 om teleterminal- og satellittjordstasjonsutstyr, herunder gjensidig godkjenning av utstyrets samsvar<sup>(1)</sup>, og

ut frå desse synsmåtene:

Kommisjonen har vedteke eit tiltak for å klarleggje kva type terminalutstyr som ei felles teknisk forskrift bør omfatte, og den tilhøyrande fråsegna om verkeområdet for forskrifta.

Dei tilsvarande harmoniserte standardane eller delar av dei som dei grunnleggjande krava skal gjennomførast ved hjelp av, og som skal gjerast om til felles tekniske forskrifter, bør vedtakast.

For å sikre at marknadstilgangen vert halden ved lag for produsentar, er det naudsynt å fastsetje overgangsforesegner for utstyr som er godkjent i medhald av kommisjonsvedtak 97/346/EF<sup>(1)</sup>.

Den felles tekniske forskrifta som er vedteken i dette vedtaket, er i samsvar med fråsegna frå Utvalet for godkjenning av teleterminalutstyr (ACTE) –

**GJORT DETTE VEDTAKET:**

*Artikkel 1*

1. Dette vedtaket skal nyttast på terminalutstyr som er meint for tilkopling til eit offentleg telenett, og som fell inn under verkeområdet for den harmoniserte standarden som er nemnd i artikkel 2 nr. 1.

(\*) Denne fællesskapsrettsakten, kunngjort i EFT L 232 av 19.8.1998, s. 7, er omhandlet i EØS-komiteens beslutning nr. 107/1999 av 24. september 1999 om endring av EØS-avtalens vedlegg II (Tekniske forskrifter, standarder, prøving og sertifisering), se denne utgaven av EØS-tillegget til De Europeiske Fællesskaps Tidende.

<sup>(1)</sup> TEF L 74 av 12.3.1998, s. 1.

<sup>(2)</sup> TEF L 148 av 6.6.1997, s. 19.

2. I dette vedtaket er det fastsett ei felles teknisk forskrift som omfattar tekniske spesifikasjonar, krav til elektrisk og mekanisk grensesnitt og protokollen for tilgangskontroll for terminalutstyr som kan og som produsenten eller representanten for produsenten har meint skal tilknyttast eit T-referansepunkt eller eit samanfallande S- og T-referansepunkt som skal gje grunntilknytning til eit grensesnitt i eit offentleg telenett, og som har nemninga felleseuropeisk grunntilknytingspunkt for ISDN (EURO-ISDN).

*Artikkel 2*

1. Den felles tekniske forskrifta skal femne om den harmoniserte standarden som det rette standardiseringsorganet har utarbeidd, og som dei grunnleggjande krava i artikkel 5 bokstav c), d) og f) i direktiv 98/13/EF så langt råd skal gjennomførast ved hjelp av. Tilvisinga til standarden er oppført i vedlegget.

2. Terminalutstyr som dette vedtaket omfattar, skal vere i samsvar med den felles tekniske forskrifta som er nemnd i nr. 1, og skal stette dei grunnleggjande krava som er nemnde i artikkel 5 bokstav a) og b) i direktiv 98/13/EF, og krava i andre direktiv som gjeld for utstyret, særleg rådsdirektiv 73/23/EØF<sup>(3)</sup> og 89/336/EØF<sup>(4)</sup>.

*Artikkel 3*

Når det gjeld terminalutstyr som kjem inn under artikkel 1 nr. 1 i dette vedtaket, skal dei melde organa som er peika ut til å gjennomføre dei rutinane som er nemnde i artikkel 10 i direktiv 98/13/EF, nytte den harmoniserte standarden som er nemnd i vedlegget, eller syte for at han vert nytta, etter at dette vedtaket har teke til å gjelde.

*Artikkel 4*

1. Vedtak 97/346/EF vert oppheva frå 20. mai 1998.

2. Kommisjonsvedtak 94/797/EF<sup>(5)</sup> vert oppheva frå 20. mai 1998.

<sup>(3)</sup> TEF L 77 av 26.3.1973, s. 29.

<sup>(4)</sup> TEF L 139 av 23.5.1989, s. 19.

<sup>(5)</sup> TEF L 329 av 20.12.1994, s. 14.

3. Terminalutstyr som er godkjent i samsvar med vedtak 94/797/EF og 97/346/EF, kan framleis marknadsførast og takast i bruk.

*Artikkel 5*

Dette vedtaket er retta til medlemsstatane.

Utferda i Brussel, 17. juni 1998.

*For Kommisjonen*

Martin BANGEMANN

*Medlem av Kommisjonen*

*VEDLEGG***Tilvising til den gjeldande harmoniserte standarden**

Den harmoniserte standarden som er nemnd i artikkel 2 i dette vedtaket, er:

Integrated Services Digital Network (ISDN);

Attachment requirements for terminal equipment to connect to an ISDN using ISDN basic access

[Digitalt fleirtenenestet (ISDN); krav til tilkopling av terminalutstyr for ISDN-tilknytning ved hjelp av ISDN-grunntilknytning]

ETSI

Det europeiske standardiseringsinstituttet for telekommunikasjonar

ETSI-sekretariatet

TBR 3 – november 1995, endra ved TBR 3 A1 – desember 1997  
(utan forordet)

**Tilleggsopplysningar**

Det europeiske standardiseringsinstituttet for telekommunikasjonar er godkjent i medhald av rådsdirektiv 83/189/EØF<sup>(1)</sup>.

Den harmoniserte standarden som er nemnd ovanfor, er utarbeidd i medhald av eit mandat som er gjeve etter dei aktuelle framgangsmåtane i direktiv 83/189/EØF.

Den fullstendige teksta til den harmoniserte standarden som er nemnd ovanfor, kan skaffast frå:

Det europeiske standardiseringsinstituttet  
for telekommunikasjonar  
650, Route des Lucioles  
F-06921 Sophia Antipolis Cedex

Europakommisjonen  
DG XIII/A/2 – (BU 31, 1/7)  
Rue de la Loi/Wetstraat 200  
B-1049 Brussel

eller frå andre organisasjonar som har ansvaret for formidling av ETSI-standardar. Ei liste over desse organisasjonane er å finne på Internett under adressa [www.ispo.cec.be](http://www.ispo.cec.be).

---

<sup>(1)</sup> TEF L 109 av 26.4.1983, s. 8.